

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatimah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



BULI: ISU SOSIAL DAN TANGGUNGJAWAB BERSAMA

Basaruddin Shah Basri, Suhaidi Elias, Kamal Fakhurrazi Rahim

Mutakhir ini, kejadian buli semakin kerap menjadi tajuk utama di media arus perdana dan media sosial. Ia berlaku di pelbagai lapisan masyarakat di sekolah, pusat pengajian tinggi, alam siber, jalan raya, kawasan kejiranan, malah di tempat kerja. Fenomena ini seolah-olah tiada penghujungnya, malah semakin membimbangkan apabila melibatkan kecederaan parah dan kehilangan nyawa. Kes-kes seperti di MRSM, UPM, hospital kerajaan, UTM, serta terbaru membabitkan arwah adik Zara Qairina telah mencetuskan perdebatan hangat dalam masyarakat dan di Parlimen. Mangsa bukan sahaja mengalami kecederaan fizikal, malah trauma psikologi yang mendalam dan berpanjangan. Buli kini bukan lagi dianggap isu disiplin semata-mata, tetapi telah dikategorikan sebagai jenayah berat.

Laporan Sinar Harian Ogos 2025 mendedahkan peningkatan drastik kes buli yang menyebabkan kecederaan daripada 3,000 kes pada 2015 melonjak kepada lebih 5,300 pada 2023, iaitu kenaikan 77%. Data Kementerian Pendidikan Malaysia (KPM) pula menunjukkan majoriti kes melibatkan buli fizikal dan lisan, manakala selebihnya adalah buli siber, satu trend yang semakin menular seiring perkembangan teknologi. Dari sudut psikologi, mangsa buli sering datang daripada latar belakang yang terdedah kepada rasa rendah diri, keretakan keluarga, pengabaian, layanan buruk atau ketiadaan kasih sayang ibu bapa. Mereka juga mungkin tertekan akibat pengaruh rakan sebaya atau membesar dalam persekitaran tidak sihat, termasuk pendedahan berlebihan kepada telefon pintar dan maklumat media tanpa kawalan. . Faktor sosioekonomi turut mempengaruhi emosi sama ada pada mangsa atau pembuli. Tekanan hidup, jurang ekonomi, persekitaran yang toksik, serta sifat panas baran yang tidak terkawal boleh menyumbang kepada masalah berlakunya buli.



Pembuli juga berisiko membentuk personaliti antisosial, hilang empati, dan mengulangi tingkah laku agresif di masa hadapan. Jika tidak dibendung, budaya buli akan merebak ke luar sekolah, menjadikan bekas pembuli sebagai pembuli jalanan, di tempat kerja atau di alam siber. Keadaan ini tidak mustahil berlaku jika masyarakat membiarkan budaya buli berleluasa. Mengatasi gejala ini memerlukan pendekatan menyeluruh. Pihak sekolah dan institusi pendidikan perlu memperkukuh program pencegahan buli melalui kempen kesedaran, modul pendidikan emosi, dan latihan pengurusan konflik. Guru dan kaunselor harus dilatih untuk mengesan tanda awal buli dan bertindak segera. Masyarakat pula perlu peka dan bertanggungjawab memastikan buli tidak menjadi norma.

Sebarang tanda kejadian buli harus segera dilaporkan kepada pihak berkuasa. Sikap “tidak mahu masuk campur” hanya akan membiarkan masalah ini berakar umbi. Ibu bapa memainkan peranan penting dalam membentuk akhlak anak sejak kecil, mendidik mereka dengan ilmu agama, adab dan tatasusila yang baik. Mereka juga perlu menjadi teladan, memantau tingkah laku anak, serta mengambil tahu aktiviti harian mereka. Komunikasi terbuka antara ibu bapa dan anak adalah kunci untuk membina kepercayaan dan mencegah anak daripada menjadi mangsa atau pembuli. Akhirnya, membanteras buli adalah tanggungjawab bersama. Ia memerlukan kerjasama erat antara keluarga, sekolah, komuniti, pihak berkuasa dan pembuat dasar. Hanya dengan kesedaran kolektif, tindakan tegas, dan pendidikan berterusan, kita mampu membina masyarakat yang selamat, berempati dan bebas daripada budaya buli.